

續修故城縣志卷之五

壇廟

前志叙曰有民人則有社稷以時致祭誠重之矣其各載之祀典者皆於民社攸繫者耳至於鄉先生沒則祭於社而忠孝節義天理人情所不容已者往往建祠而祝嘏焉是亦維持世教之大關鍵也

社稷壇 在城外西南一里

祀五土五穀之神所以報本反始維持風俗

調燮陰陽會典爲大祀春秋仲月上戊日致祭

按諸壇壝均久廢無址謹詳定式

壇制東西二丈五尺南北如之高三尺一成

用營造尺四出陛各三級繚以周垣四門朱色自

北門入壇南正中立石主一去壇二尺五寸

露圓頂餘埋土中壇西北隅設瘞坎一成甃

砌東向寬四尺深三尺西南作踏道上下

風雲雷雨山川城隍壇 在城東一里

漢唐宋風雷雨各立壇以祭而不及雲明洪武二年詔風雲雷雨合爲一壇六年風雲雷雨山川共爲一壇八年又以城隍合祭今祀典仍之會典爲中祀春秋仲月上戊日致祭壇制東西二丈五尺南北如之高三尺一成四出陛各三級繚以周垣四門朱色自南門入壇北正中立石主一去壇二尺五寸露圓頂餘埋土中壇東南隅設燎鑪一座甃砌西向

先農壇 在城東北二里

文獻通考舊儀春始東耕於藉田官祠先農
會典爲中祀三月亥日致祭行耕藉田禮

壇制東西二丈一尺南北如之高二尺一寸

一成四出陛各三級繚以周垣三門朱色白

南門入壇北建正房三間

中奉神主東貯祭器農具西貯藉田

米穀東西配房各一間

東置祭品西貯農具壇東南隅

設瘞坎一成西向寬四尺深三尺東南作踏

道上下

關帝廟 一在縣治西隆慶初邑侯李紹先建

萬厯六年邑侯蔣論立碑一在城外絃歌巷

之北祭祀舊在城外道光年陳侯述之重修

縣西廟移祭城內會典爲羣祀咸豐四年陞

中祀春秋卜吉致祭不得用忌辰日

文昌宮 在文廟東大殿三間左字紙庫前教諭包

景二題儲右特殿又左觀稼臺教諭王堉德

未廟工甫竣瓦礫積土如陵阜因之爲高聊

以省運除飾觀瞻耳臺成適奉道憲丁札
飭勸區田乃先於廐南隙地試種數又西焚
區登臺下瞰井井然遂以觀稼名焉

紙鑪

邑有字紙會二月初三日在此焚化教

官率衆在正殿行三叩禮步送河干灰

燼付之中

流一揖退

康熙八年重修始裝神像道光十

六年同治八年俱重葺會典爲羣祀咸豐六

年陞中祀定例春二月初三日爲祭期今春

秋卜吉致祭

文昌閣

附

在宮之南高三丈許康熙六年柴

諭裝塑神像同治三年舉人柴青藜等鳩費

重修

城隍廟

在東門內康熙十一年吳侯友聞重

建穿廊八間同治十三年廟祝程功圓重募
修葺會典爲羣祀春秋仲月戊日隨風雲雷
雨山川壇致祭 禁烟中元寒衣節厲壇致
祭

邑厲壇 在城北濠邊

厲壇之設子產所謂鬼有所歸乃不爲厲也
復有里社壇者明洪武十九年詔每里各築
壇一周以土垣而不屋與邑厲壇同日祭今
各縣皆廢

真武廟 一在城內東北康熙十年吳侯友聞

拓地重修今有殿三間 一在城外西南稍
宏厰同治十二年住持僧洞圓重募修 一
在城西南鄭鎮明嘉靖元年建

明史北極佑聖真君乃元武七宿會典順治
八年題準恭遇

萬壽聖節遣官致祭每逢祈雨設壇今故城縣春秋
仲月戊日隨行分獻禮

東嶽廟 在東郊元至正間建久廢同治四年
保獎吏郭漣募修

明史洪武二年去前代天齊封號稱東嶽泰山之神會典順治八年題準恭遇

萬壽聖節遣官致祭每逢祈雨設壇

三官廟 在城外東南久廢光緒九年重修

文獻通考政和三年議祀局上五禮新儀立夏季夏土王日祀中太一宮靈貺殿太歲在中太陰在西天地水三官暨諸神並爲從祀
大清會典凡祈雨詣廟行香祈晴如之

龍神祠 在城外關帝廟西雍正五年遵

勅建前志未及載會典春秋仲月辰日致祭

以下五廟相連在龍神祠西同治十三年
住持僧海潮重募修

風雲雷雨祠

附

故邑此祠不知初自何時內

繪風雲雷雨於壁而正塑太公神像俗呼封
神廟殊屬不典向不致祭

馬神廟

祀典明洪武二年命祭馬祖永樂十

三年立祠春秋遣官致祭今隨戊日分獻

一在

縣署
西

劉猛將軍廟 雍正二年奉

勅前志未及建考所列神位建廟當在乾隆二十三年以後

祀元末指揮吳川劉承忠之神神弱冠臨戎
兵不血刃盜皆鼠竄適江淮千里飛蝗徧野
揮劍追逐須臾蝗飛境外後因元鼎革自沉
於河有司奏請遂授猛將軍之號會典春秋
仲月戊日致祭

按省頒祀典正書劉猛將軍不見正史通志所據出自道

藏或曰神諱宰字平國金壇人紹興進士仕至浙江東倉司幹官告歸隱居三十載卒諡

文清以正直爲神能驅蝗保穡俗稱將軍者
誤也故城縣蒙此遂並塑劉宰劉承忠神像
是一是二孰主孰賓殊無分晰同治甲戌修
志適廟祝募修遂轉詳考核蒙省城局憲
批據送採訪清摺劉猛將軍廟考辨一條查
劉猛將軍不見正史諸書所載每多歧異有
謂卽宋劉錡爲中興四將之一者有謂爲劉
錡之弟劉銳者不獨壇廟祀典所紀諡文
清之劉宰與會典不同也今遵定制自應
以會典所載勅祀之劉承忠爲正其
宋劉文清公神主若用以附祀則先後失序
若謂相承已久莫敢遽廢似宜別爲一室未
可旁列再爲詳酌辦理蒙此卽擬遵行

火神廟

日下舊聞天啟元年命太常寺官祀

火德之神會典康熙二年定六月二十三日

遣官致祭今隨戊日分獻

八蜡廟

禮郊特牲天子大蜡八伊耆氏始爲

蜡先嗇一司嗇二農三郵表畷四貓虎五坊
六水庸七昆蟲八祀典按蜡祭流傳旣久荒
遠難稽乾隆十年廷臣有議修復者奉

特旨停罷但各府州縣舊有廟祀春秋報賽順民俗
以祈神佑未便廢撤亦有其舉之之義也故
城縣今隨戊日分獻

魁星樓

在城上東南角久廢

今丁祭後望祭

以下五祠春秋仲月丁日分獻

二賢祠 舊在衛河邊城守營東壁塑像久圯
乾隆四十一年紀侯芾改建於西南街年久
傾圯道光十六年許侯瀚重建專祀澹菴二
賢

名宦祠 在文廟戟門之左

康熙六年重修至道光中葉歷百數十年失
修舊址無存道光十六年許侯瀚倡捐重建

大成殿及此祠厥功甚偉惜木主久廢補立
魏敏果公以次十三位而不及前明入祀之
守土官九位同治八年重修時補立之

祀位上下分列

國朝

前明

巡察直隸敏果公魏象樞

知縣李康祖

巡撫郭世隆

知縣杜中

巡撫文清公格爾古德

知縣趙榮顯

巡撫文貞公李光地

知縣李紹先

巡撫清端公于成龍

知縣蔣論

巡撫襄勤公于成龍

知縣楊光明

巡撫金世德

知縣顏思忠

巡撫一等子爵趙宏燮

教諭毛敏

巡撫王登聯

縣丞孫美

總督三省勤愍公朱昌祚

附列

總督三省張存仁

國朝順治年任

總督三省李蔭祖

知縣王來觀

順天學政熊伯龍

一位於左

按本朝二百餘年知縣官無人入祀實爲缺典前志載順治年王令來觀邑人曾建生祠祠久廢吳令友聞蔡令維義事蹟畧見前志學政全書以道事君澤及庶民者入名宦祠亟宜公同確訪隨時詳請以光前蹟而勸後賢

鄉賢祠 在文廟戟門之右

舊無此祠嘉靖王子邑令趙榮顯建祠於明倫堂西南隅附祀名宦於內萬歷辛卯邑人